

Eana- ja meahccedoalloministeriija ásahus

boazodoalu ja luondduealáhusaid ruhtadandoarjaga siktemis addojuvvon eana- ja meahccedoalloministeriija ásahusa rievdadeamis

Eana- ja meahccedoalloministeriija mearrádusa mielde
gomihuvvo boazodoalu ja luondduealáhusaid ruhtadandoarjaga siktemis addojuvvon eana- ja meahccedoalloministeriija ásahusa (176/2001) 2 ja 3 §, 9 §:a 1 momenta, 4 ja 5 lohku, 17 §:a 2 ja 3 čuokkis ja 22 §,
 dakkárin go das lea 2 § oassin ásahusas 651/2008 ja
rievdaduvvo 1, 6, 15 ja 20 § ja mielddus 1,
 dakkárin go daid leat 15 § ja mielddus 1 ásahusas 651/2008, čuovvovaččat:

1 §

Heivehansuorgi

Dán ásahusas mearridit stáhta miedihanfápmudusa ja mearreruđa ja eanandoalu ovddidanruhtaráju geavahanplánas čujuhuvvon ruhtaváriid geavaheamis miedihettiin ja mávssedettiin doarjaga boazodoalu ja luondduealáhusaid ruhtadanlága (45/2000), mannelis *ruhtadanláhka* vuodul jagi 2015.

Ruhtadandoarjja čujuhuvvo ruhtadanlága 2 ja 3 logus oaivvilduvvon ulbmiliidda ja lága 65 §:s oaivvilduvvon dutkanfidnuide.

Ruhtadandoarjja siktejuvvo dušše doaibmabijuide, mat ruhtaduvvojit oalát našuvnnalaš ruđaiguin.

6 §

Boazodoalu- ja luondduealáhusaid luovosopmodatskáhppomat

Boazodoalus dahje luondduealáhusain vealtameahttun mohtorgielkká, eará meahccefiervru ja dakkár meahcis johtimii oaivvilduvvon fievrro, mii lea registrerejuvvon almmolaš geaidnojohtolahkii, skáhppomis bohtán goluide sáhtta miedihit doarjaga eanemustá 20 proseantta dohkkehuvvon goluin. Doarjja ii goittotge miedihuvvo meahccebiilla sháhppomii. Doarjja miedihuvvo doarjjaruhtan.

Eará luovosopmodatskáhppomiidda sáhtta miedihit doarjaga eanemustá 20 proseantta dohkkehuvvon goluin. Doarjja miedihuvvo stáhtaloatnan.

Doarjja ii miedihuvvo ovttaskas bohccuid, boazoealu mearkkaidisguin dahje eará ealli luovosopmodaga skáhppomii.

15 §

Eurohpá uniovnna láhkaásaheapmi mii heivehuvvo

Dorjojuvvon doaibmabidjui ja doarjaga mearrái heivehuvvo, maid dihto eana- ja meahccedoallosuorggi ja eananguovlluid doarjjahámiid gávnaheamis sismárkaniidda heivvolažžan Eurohpá uniovnna doaimmas dahkkon soahpamuša 107 ja 108 artihkkala mielde addojuvvon kommišuvnna ásahusas (EU) N:r 702/2014 mearriduvvo.

20 §

Doarjaga eanemus mearri ja doarjjahápmi

Dán ášahusa mildosis mearriduvvo 2 ja 3 logus oaivvilduvvon doarjaga eanemus meriin ja doarjjahámiin. Doarjja bálgoša investeremii miedihuvvo dušše doarjjaruhtan.

Dát ášahus boahtá fápmui 25 beaivve miessemánu 2015.

Dán ášahusa fápmui boahtima maŋŋá daid doarjjaohcamušaide, mat leat giedahallamis, heivehuvvo dán ášahusa fápmui boahtima maŋŋá boahtán njuolggadusaid.

Helssegis 7 beaivve miessemánu 2015

Eana- ja meahccedoalloministtar Petteri Orpo

Láhkaásahanráđđealmmái Katriina Pessa

Mielddus 1

Ásahusa 20 §:s oaivvilduvvon doarjjahámit ja doarjaga eanemus mearit

PRIVÁHTA EALAHUSHÁRJEHEADDJIT

(L = luondduealáhusguovlu)

(SL = stáhtaloatna)

Doarjjačuozáhat	Loatnahápmi,	Eanemus loatnamearri, proseantta	Eanemus doarjja- mearri	Eanemus doarjjadássi proseantta (doarjja ja lotnii gullevaš oktiibuot)
Ássanráhkadusat	SL	80	10/20 (L)	50
Geaidnu, čáhcefuolahus ja šleadga	SL	60	0	20
dállodoalloráhkadus	SL	60	0	20
Mohtorgielká	0	20	20	
Meahcecefievru		0	20	20
Buvttadangaskaoamit ja eará -luovosopmodat	SL	60	0	20

BÁLGOSIID INVESTEREMAT

Doarjjačuozáhat	Eanemus mearri proseantta
Eastta-, guodohan, bigálus-, mearkun-, borahan- ja suodjeáiddit	60
Bigálusáiddiid geainnut ja bigálusáiddiid šleadga	60
Bálgosiid bargoeanavisttit	50
ADG-válmmašvuodaid ja kommunikašuvdnaoktavuodaid	
buorideapmi	40
Eará boazodoalus	
dárbbášlaš luovosopmodat	40